

VERJAARSDAE : 9 TOT 15 NOVEMBER 2008

11/09	KAYLE GOUWS	STRELITZIA WS 2.	(Blok 1)
11/10	CHANTEL BEETS	CARLICHE SINGEL 32	(Blok 4)
11/11	THEO GORDON	LAURISTON MEWS 2	(Blok 4)
11/11	MOSES PHOZA	VEGKOP WS 28	(Blok 1)
11/11	ANNA VELDSMAN	TECOMA WS 5	(Blok 1)
11/11	DANIE ELS	AMETHUSTLN 2	(Blok 4)
11/11	GERDA JACKSON	HANS STRIJDOMLN 82	(Blok 3)
11/11	CHRISTO BLIGNAUT	HANS STRIJDOMLN 199	(Blok 2)
11/12	NELLEKE GOUWS	LANGEBRINKWEG 120	(Blok 4)
11/12	ZANRIE LINSTRÖM	SELBORNELN 271	(Blok 4)
11/13	YVONNE SCHULZE	FITZPATRICKWEG 13	(Blok 2)
11/14	ELISMA VAN COLLER	HANS STRIJDOMLN 208	(Blok 2)
11/14	ROCHANI VAN STADEN	MOLTENOWEG 8	(Blok 2)
11/14	COBUS NEL	HANS STRIJDOMLN 92	(Blok 3)
11/15	FREDDIE SCHOEMAN	KRUGERLN 105	(Blok 3)

HUWELIKHERDENKINGS : 9 TOT 15 NOVEMBER 2008

DINSDAG, 11 NOVEMBER

NIC EN NANCY ALBERTS MOLTENOWEG 42 (Blok 2)

WOENSDAG, 12 NOVEMBER

JACQUES EN MARLENE DU PREEZ DF MALANLN 94 (Blok 3)



**Ned Geref Gemeente Lyttelton-Oos
FAMILIENUUS**

Sondag, 9 November 2008

Hartlik welkom in die erediens vanoggend

Webtuiste: www.lytteltonoos.org.za | Blog: www.lytteltonoos.org.za/blog

SONDAG, 9 NOVEMBER

Biddag vir Beskermingsdienste

09:00 Erediens: Freddie Schoeman
09:00 Kindereredienste

MAANDAG, 10 NOVEMBER

19:00 Droomspanbyeenkoms

DINSDAG, 11 NOVEMBER

09:00 Sustersbiduur/Bybelstudie

WOENSDAG, 12 NOVEMBER

17:00 Biduur

DONDERDAG, 13 NOVEMBER

09:00 Bybelstudie Senior Lidmate

VRYDAG, 14 NOVEMBER

19:00 Diakonievergadering (Afsluiting)

SONDAG, 16 NOVEMBER

Inhandiging Kommissieverslae

09:00 Erediens:
09:00 Kindereredienste (Afsluiting)

MAANDAG 17 NOVEMBER

19:00 Droomspanbyeenkoms

DINSDAG, 18 NOVEMBER

09:00 Sustersbiduur/Bybelstudie

WOENSDAG 19 NOVEMBER

17:00 Biduur
Inbetaling Diakonie

DONDERDAG, 20 NOVEMBER

09:00 Bybelstudie Senior Lidmate
19:00 Ouderlinge vergadering (Afsluiting)

SONDAG, 23 NOVEMBER

Deurkollekte Motorwag
Sakelys Kerkraadsvergadering

09:00 Oggenddiens: Ds Dirk Taljaard
(Bybelgenootskap)

19:00 Kerssangdiens

DINSDAG, 25 NOVEMBER

09:00 Sustersbiduur/Bybelstudie

WOENSDAG, 26 NOVEMBER

17:00 Biduur

19:00 Kerkraadsvergadering

NUWE INTREKKERS

Ons wil graag nuwe intrekkers ontmoet. Kom ons kry mekaar voor die kansel net na die diens vanoggend verby is.

VOORBIDDING

1. Bets Redelinghuys, Ridgewood 33 wat Woensdag, 5 November 'n operasie ondergaan het. Sy is tydelik by haar dogter Delene (Blok 4).
2. Boet en Alet Venter, Gloverln 196 met Alet wat op 15 November vir intensiewe rugbehandeling gaan (Blok 4).
3. Adolf Crafford, Hans Strijdomln 182 wat wag vir 'n nieroorplanting (Blok 2).

Ons dink aan Gerty Basson wat deur die trauma van huisinbraak gaan. Sterkte aan haar.

FEESBUNDEL

Die feesbundel is beskikbaar by Max Amsenga, Krugerlaan 286 (664-3629) en ook by die inligtings-toonbank in die voorportaal van die gemeentesentrum. Die prys is R100.00 per eksemplaar.

Persone wat bestellings geplaas het word versoek om dit asseblief af te haal.

DANKBAAR ...

Ons is baie dankbaar vir die opregte belangstelling en hulp tydens my operasie onlangs.

Die oproepe, e-posse en besoeke word opreg waardeer.

Dit is voorwaar 'n voorreg om in Lyttelton-Oos te woon waar 'n mens opregte belangstelling en deernis ervaar.

Max Amsenga

הי

Dr Liandi Fourie


*MBChB(Pret)
Algemene Praktisyn*

Ons passie is
volhoubare gesondheid
dmv 'n natuurlike benadering,
lewenstylbeplanning
en natuurlike produkte.

**Chris Hougaardstraat 324
Wierdapark
012-6530564**

**BAIE GELUK AAN DS FREDDIE
EN ALMA SCHOEMAN MET DS
FREDDIE SE VERJAARSDAG
DINSDAG 11 NOVEMBER.**

WOORDWYSER



'n Mens se brein is 'n snaakse ding: ons verstaan dikwels iets eers regtig as ons die groter prentjie sien. As ons wil weet presies wáár 'n legkaartstukkie inpas moet ons na die afbeelding op die voorkant kyk.

2009

'n Bybelvers is baie soos 'n legkaartstukkie. Ons sukkel soms om 'n stukkie uit die Bybel te verstaan as ons nie weet waar dit in die groot legkaart van die geskiedenis inpas nie.

Om die Bybelleser te help om die groot prentjie van die Bybel se ontstaanstyd raak te sien bied die Woordwyser Bybel in Konteks die volgende:

'n **Dag-tot-dag Bybelleesprogram** vir ernstige Bybel-lesers. Dit bevat:

- Deeglike inleidings en agtergrondsketse.
- Verklarings van korter gedeeltes (in dagstukkie-formaat).
- Riglyne vir kleingroepiglyne gebaseer op die luistersiklus van die Seisoen van Luister.
- Agtergrond oor die verskillende seisoene van die kerklike jaar.

Eksegetiese en liturgiese riglyne vir gemeenteleiers. Dit bevat:

- Verdere agtergrondinligting en preeksketse vir elke Sondag van die jaar.
- Voorstelle vir die inrigting van eredienste wat aansluit by die preekskets.
- Voorstelle vir die aanbied van kinderboodskappe gebaseer op die preeksketse.
- Visuele materiaal vir gebruik in die erediens op die meegaande CD. (Opsioneel)
- Nuutgeskepte liedere vir loprising en aanbidding.

Die Bybel is 'n bundel antieke dokumente wat vir die moderne mense soms moeilik is om te verstaan. Die Woordwyser II Bybel in Konteks wil die gelowige Bybelleser help om God se stem helder en duidelik te hoor deur die konteks van die Bybelgeskrifte te ontsluit.

Bybelleesprogram: R90

Eksegetiese Riglyne: R110 (CD: R45)

Bestellings: Freddie Schoeman (0126643751 / 084-581-8139 of stuur 'n e-pos aan:

fredschoeman@mweb.co.za of besoek: www.sinoos.co.za

LIDMATE IDENTITEITSNOMMERS

Die Sentrale Argiefkantoor van die NG Kerk wil graag alle lidmate se identiteitsnommers op 'n sentrale stelsel aanbring en is afhanklik van gemeentes om dit te verskaf. Daar is reeds verskeie versoeke aan lidmate gerig in die vorm van 'n afskeurbriefie in die Familienuus, deur persoonlike briewe en via die ouderlinge, diakens en dienswerkers. Sal lidmate wat nog nie geantwoord het op die skrywe gedurende Augustus 2008 ons ASSEMBLIEF behulpsaam wees en dit deurgee aan Max Amsenga (012 664-3629). Dit word streng vertroulik hanteer en ons het die versekering van die Sentrale Argiefkantoor gekry dat dit streng vertroulik hanteer sal word. Lidmate word ook beskerm deur die wet op be-kendmaking van inligting.

Daar is nog heelwat id-nommers uitstaande en op 'n stadium sal ons databasis nie kan funksioneer sonder die id-nommers nie!

Kinders se id-nommers is op hul registrasie van geboorte beskikbaar—dit is die nommer wat aan hulle toegeken word wanneer daar om identiteitsboekies aangesoek is.

U samewerking sal baie waardeer word.

VAN:
ADRES:
TEL NO:
SELFOON:
OUERS: Vader:
Moeder:
KINDERS: (1)
(2)
(3)

U kan by die Departement vir Registrasie van geboortes, huwelike en sterfgevallen aansoek doen vir 'n duplikaatsertifikaat indien u kind se registrasievorm verlore geraak het. Dit is uiters noodsaaklik dat u hierdie dokument bekom.

ONTDEK JOU POTENSIAAL

Werkswinkel

Saterdag 22 November 2008 : 08:30—16:00

Die verskil tussen uitnemendheid en middelmatigheid lê in die ontginning van jou potensiaal. Die Here het bepaalde talente aan jou gegee. Weet jy wat dit is? Weet jy hoe om dit te ontwikkel tot sterkpunte? Indien nie, is jy waarskynlik nie besig om jou volle potensiaal te ontgin nie.

Voorbeelde van moontlike talente:

- 'n Spesiale vermoë om probleme raak te sien en op te los
- 'n Spesiale vermoë om projekte te organiseer
- 'n Spesiale vermoë om aan te pas in 'n vinnig veranderende omgewing
- 'n Spesiale vermoë om komplekse situasies te ontleed
- 'n Spesiale vermoë om te helder te kommunikeer
- 'n Spesiale vermoë om die potensiaal in ander raak te sien en te ontgin

Koste: R290 vir lidmate / R350 vir nie-lidmate

(Sluit in: Boek: *Living your Strengths* met ontsluitingskode vir internet-vraelys wat vooraf voltooi moet word, kursusmateriaal, verversings en middagete.)

Om in te skryf: stuur 'n e-pos aan lyttoos@mweb.co.za of 'n SMS aan 084-581-8139 of skakel Freddie Schoeman by 012-664-3751

BAIE DANKIE ...

Baie dankie aan almal wat behulpsaam was op een of ander manier tydens die roudiens van wyle Henri de Wit.

Hierdie blyke van onbaatsugtige diens en hulp tydens begrafnis word opreg waardeer.

Ria Maree

Boodskapreeks: 'n Kerk wat leef en werk
Sondag 9 November 2008
Tema: Getroudes en Gesinne

Hoe kan ons sorg dat ons huwelike en gesinne gesond bly? Deur, onder andere, die regte besluite te neem gebaseer op die regte prioriteite. Maar hoe kan ons die regte besluite neem? Hoe bepaal ons wat is die regte prioriteite? Almal van ons het al uiters dom besluite neem. As ons terugkyk daarna dan vra ons vir onself: *Hoe kon ek so dom wees? Ek moes mos van beter gewees het!*

Wel, hoe kan ons “van beter” weet en dan daarvolgens optree? Die geheim hiervan lê in één vers in Efesiërs 5 opgesluit, naamlik:

Hierdie vers help ons om besluite te neem oor:

1. Ons verhouding met ons _____

Omdat julle respek het vir wat Christus vir julle gedoen het, moet julle aan mekaar onderdanig wees. (Efesiërs 5:21)

Elkeen van julle moet sy eie vrou liefhê soos hy homself liefhet, en die vrou met haar man respekteer. (Efesiërs 5:33)

2. Ons verhouding met ons _____

En julle, [ouers] moenie julle kinders so behandel dat hulle verbitterd word nie, maar voed hulle op met dissipline en teregwyding wat die Here se goedkeuring wegdra. (Efesiërs 6:4)

Kinders, omdat julle in die Here glo, moet julle aan julle ouers gehoorsaam wees. Dit is mos die regte ding om te doen! (Efesiërs 6:1)

3. Ons verhouding met _____

Raak saam met alle ander slegte dinge ontslae van alle bitterheid, woede, wraak, geskel en gevloek. Wees eerder vriendelik met mekaar. Gee vir mekaar om. Vergewe mekaar soos God julle vergewe het op grond van wat Christus gedoen het. (Efesiërs 4:31-32)

IS JY BESIG OM GEESTELIK TE GROEI?

Is jy besig om God se liefde te ontdek?

- Ek verstaan dat God my onvoorwaardelik liefhet en sy Seun gestuur het om in my plek vir my sondes te sterf en dat ek sy liefde nie hoef te probeer verdien nie.
- Omdat God my liefhet en my vergewe, vergewe ek ook my broers en susters as hulle my te na gekom het.
- Ek is besig / toegerus daarvoor om vir ander mense van God se liefde in woorde en dade te verteel en nooi gereeld ander om ons gemeente te besoek.

Is jy besig om jou geestelike familie te ontdek?

- Ek besef dat God my Vader is en dat ek deel van sy huisgesin is. Daarom vertrou ek op Hom vir al my behoeftes.
- Ek dra die belange en behoeftes van my broers en susters in die huisgesin op die hart en help daarom aktief om hulle te versorg en troos en laat ook toe dat hulle my versorg en troos.
- Ek help aktief om alle besoekers en nuwe lidmate te verwelkom en help om hulle so vinnig as moontlik te betrek en in te skakel.

Is jy besig om te ontdek wat dit is om saam met God te leef?

- Ek verdiep my verhouding met God deur gereeld in my binnekamer tyd in gebed, Skrifstudie en nadenke deur te bring en ook ander maniere van geestelike verdieping te ontdek.
- Ek help om my broers en susters se verhouding met God te versterk deur gereeld saam met hulle te aanbid in die erediens en ook voorbidding vir hulle te doen.
- Ek verheerlik God elke dag van die week en op elke plek waar ek kom deur dit wat ek doen, dink en sê en is bereid om op te staan vir vrede, geregtigheid en liefde.

Is jy besig om te ontdek wat jou potensiaal is?

- Ek laat elke dag toe dat die Gees my al hoe meer vernuwe sodat sy vrug al hoe meer in my lewe sigbaar word. (Gal 5:16-25)
- Ek weet presies wat my gawes en talente is en hoe ek dit kan gebruik om die lewens van my broers en susters te verryk. (Ef 2:10; Heb 10:23-25)
- Ek lê myself elke dag daarop toe om my gawes en talente te gebruik om my wêreld te verbeter deur sout (smaakgewend, bederfwerend en helend) en lig te wees. (Ef 2:10; Matt 5:13-16)

Is jy besig om jou lewensroeping te ontdek?

- Ek weet wat God se plan met die wêreld is en het myself daartoe verbind om my rol in die uitvoering daarvan te speel. (Jesaja 2:2-4)
- Ek vervul my funksie binne die liggaam van Christus volgens my gawes en talente en stel my tyd en hulpbronne tot opbou van die gemeene beskikbaar. (Ef 4:16)
- Ek weet wat my lewensroeping is en is besig om dit te verwesenlik.

lewensvreugde lewensvrede lewenskrag lewensvernuwing lewensvervulling

VLU KERSFUNKSIE DONDERDAG 20 NOVEMBER

09:00

Die Vroue Landbou-Unie wat maandeliks in die Gemeentsentrum vergader nooi gemeentede en ander belangstellendes uit om 'n Musiek-oggend saam met hulle deur te bring.

Dit neem die vorm van 'n Kaas- en Wyn aan en die koste is R40.00 per persoon.

Kaartjies is nou reeds beskikbaar by:

Bets Redelinghuys: 664-3152/082 408 5051

Bubbles Burger: 664-3388/082 820 4327

VROUE OGGENDTEE saam met Prof Stephan Joubert

DATUM: 15 November 2008

TYD: 08:30 vir 09:00

PLEK: NG Kerk Rooihuiskraal, Hofsangerweg 140

TOEGANG: R80 per persoon.

TEMA: Die rol van die vrou in die moderne samelewing.

Kaartjies beskikbaar by:

Anna-Marie Olivier 083 505 6611

of

NG RHK Kerkkantoor 661 7311.



KERSSANGDIENS

NG LYTTELTON-OOS

Sondag 23 November 2008
om 18:00

'n Besondere geleentheid om
met sang en musiek die koms van
Christus te vier